

豐城縣志卷之十二

人物志二

仕績二 目錄

明

劉秩 孫予初 徐鐸 黃德潤

黃宗載 丁維南 子侃 孫鍊 孫櫓 附 吳叔潤

熊槩 父直 孫曰良 劉顯 雷誠

胡軫 孫涇 徐孔奇 熊觀 夏希純

聶用乂 弟好 謙 熊昱 李元凱 范衷 子鏞 鏌

徐正 楊時習 孫昌 甘瑛

豐城縣志 卷之十二 仕績目錄 一

范再昌 孫兆 祥 丁俊 弟倬 從子璐 范謨

聶如斌 孫儼 劉華甫

涂謙 弟觀 子梃 黃節 楊崇

毛瓊 李璣 姪金 孫椽 姪彥 棧 曾孫逢 遂

游明 李裕 子概 孫貴 姪漢 毛倫 族松 子齡

李述 熊懷 黃琥 子思 會孫國華 族孫國用

涂棐 黃諒 傅實

縣志卷之十二

人物志二

仕績二

明

劉秩字伯序邑鄆水口人吳元年授典籤尋除檢閱出爲徐州同知洪武元年召議卽位禮事竣陞崇明知州民素苦酒賦繁重及塗田未成而賦有額至卽奏除之夏無麥復請估鈔帛以輸民得不飢歲徵戶口食鹽尤民所苦累奏減估米三萬石有奇民大悅爲立生祠秩在州朝聽事暮必焚香告天未幾以誣坐下獄子孫孫詣

豐城縣志

卷之十二

仕績

一

闕訢寃得白遂棄官歸工詩著聽雪篷詩集孫孫自有傳

孫予初名吾與以字行同造人少博極羣書初仕元爲翰林待制中山王八燕選送京上命新殿編寫大學衍義問所引鹿鳴詩義稱旨授太常博士奉命作陵號議乞歸賜小車優給米復選克殿試考官授請甯侯葉昇章句爲著直說孝經昇征四川雲南予初參其軍歸卒著有韻會定正昇以聞鋟板應天頒學宮

徐鐸字孔聲洪武初薦與帳前參謀授郊社署令歷陞山東布政入爲戶部尙書坐事免鐸學術正大蒞事公平

祀山東名宦叅山東志及明史七卿表更正

黃德潤字瑞玉同坑人洪武進士陽武縣丞陞吳堡知縣
有仁廉名

黃宗載原名厓以字行株樹橋人洪武進士授行人奉使
四方未嘗受餽遺累遷司正永樂初爲湖廣按察司僉
事巨奸宿猾多謫戍銅鼓五開間陰持官吏短長宗載
榜數其罪曰不改必寘之法衆莫敢犯武陵多戎籍民
家慮與爲婚媼徭賦將累已男女至年四十尙不婚宗
載以理論之皆解悟一時婚者三百餘家隣邑效之俗
遂變徵詣文淵閣修永樂大典書成受賜還任董造海

運巨艦數十艘事辦而民不擾車駕北征徵兵湖廣使
者貪暴失期宗載坐不舉劾謫楊青驛驛丞尋起御史
出按交趾時交趾新定州縣皆不善撫字宗載因言有
司率不稱職若俟九年黜陟恐益廢弛請任二年以上
者巡按御史及兩司覈實以聞帝是之及歸行李蕭然
不攜交趾一物尙書黃福語人曰吾居此久所接御史
多矣惟宗載知大體丁祖母憂起復改詹事府丞洪熙
元年擢行在吏部侍郎少師蹇義領部事宗載一輔以
正宣德元年奉命溥軍浙江三年督採木湖湘英宗初
以侍郎羅汝敬妄引詔書復職事關及吏部爲御史所

劾宗載及尙書郭璉俱下獄未幾得釋遷南京吏部尙書居九年乞休章四上乃許卒于家年七十九宗載持廉守正不矯不隨學問文章俱負時望公卿大夫齒德之盛推宗載云

丁維南字良正沙湖人憲使房安雅以學識舉薦授監牧署丞兵部尙書劉儁疏薦陞大僕寺丞時太宗置北太僕寺官難其人適維南以秩滿至遂畱北寺丞剔奸釐弊疏諫得失上嘉納之創印馬法立蕃息政寺勒碑誌其績四疏乞休歸子侃孫鍊

侃字秉和洪武中隨父宦京邸九歲父維南負至御前

莊誦大明律誥無遺賜銀幣寶鈔弱冠領永樂鄉薦上南省中乙榜授清流訓導陞吳江教諭居官清慎造士得人陞福建建寧教授三典文衡乞休歸明教職以名著者十一人侃其一

鍊字質純成化甲午鄉薦文學重於時主教白鹿書院戊戌中會魁主司梓其文以獻知涪安蒞政清苦約己裕民輕徭役裁冗費有古循良風考最擢禮部祠祭主事會修憲宗實錄擇廉幹官督集始末宗伯邱濬推鍊文學公正與纂修尋補工部營繕員外郎年老乞休進階光祿少卿致仕卒太宗伯楊廉銘其墓鍊孫檣字時

健郭孝友深究性理百家書不妄干進著有養心錄等書

吳叔潤字子愉暘源人永樂進士授監察御史尋陞浙江僉事兼監處州銀爐稽覈有法積羨三千金適衢嚴二郡歲荒用以賑濟復除廣西秩滿引疾歸

熊槩字元節號芝山杭橋人及直字敬方其及達夫仕元爲福建路錄事卒官貧不能歸直始一歲隨母適古田令吉永胡時中遂冒其姓爲吉水學生銳意六經尤肆力關洛之學時稱敬方先生所著有春秋提綱西澗集金陵稿永樂中應天鄉舉第三未仕卒初槩亦冒姓胡

永樂九年登進士授御史擢廣西按察使峒谿蠻大出掠布政使請靖江王兵遏之槩不可曰吾等居方面寇至無捍禦顧煩王耶且寇必不至戒嚴而已已而果然久之調廣東洪熙元年以原官與布政使周幹叅政葉春巡視南畿浙江時左通政岳福代趙居任治水江南兼督農務庸懦不事事槩還言有司多不得人土豪肆惡而福不任職宣宗召福還擢槩大理卿與春同往巡撫南畿浙江設巡撫自此始浙西豪持郡邑短長爲不法海鹽民平康暴橫甚御史捕之遁去會赦還益聚黨八百餘人槩捕誅之捕豪惡數十輩械至京論如法於

是奸宄帖息諸衙所糧運不繼軍乏食槩以便宜發諸府贖罪米四萬二千餘石贍軍聞於朝帝悅諭戶部勿以專擅罪槩槩用法嚴奸民憚之騰謗書於朝宣德二年行在都御史劾槩與春所至作威福縱兵擾民帝弗問陰使御史廉之無所得由是益任槩明年七月賜璽書獎勵槩亦自信諸當興革者皆列以聞時屢遣部官至江南造紙市銅鐵槩言水滌民飢乞罷之五年還朝始復姓旋遷右都御史治南院事行在都御史贈及如其官顧佐疾驛召槩代領其職兼署刑部九年十月錄囚自朝至日晏未暇食忽風眩卒賜祭給舟歸其喪所

著有芝山集公餘草若干卷

舊按云槩豐乘失其名舊志始載為直之子以吉水籍胡姓中後復姓熊府志云槩及熊直豐城進士選庶吉士卒時槩幼隨母適吉水胡氏明史亦謂槩幼孤隨母轉適吉水胡氏冒其姓竊嘗疑之永樂二年曾榮榜進士熊直邑郭人選庶吉士永樂九年蕭時中榜進士熊槩直之子官至者御史使果兩世進士僅隔六年斷無幼孤隨母轉適之理其為謬妄昭然可見今據熊氏家譜及槩復姓表乃知槩及直非邑郭選庶吉士之熊直又槩成進士後及直方舉於鄉並非孤幼槩母郭氏乃吉水城西學錄郭子冲女為直元配並無改適事其幼孤隨母改適冒姓胡者乃槩之及直非槩也雍正十年謝中丞通志悉為辨正明史謂槩幼孤者謬府志謂為庶吉士熊直之子者尤謬

孫曰良字良齋邑郭北門人永樂進士授監察御史奏黜貪黷官吏交趾內附用薦出知交州改重慶政尙寬簡

時都御史賈諒奉敕芟除豪強有司阿順羅織獄結不解力爭活數百人正統間以楊士奇薦擢廣西右布政時廣多盜偕安遠侯柳溥勦賊捷聞賜綵帛寶鈔旋丁內艱起爲右副都御史鎮臨清軍未幾謝政力薦廷臣韓雍李匡輩十人自代曰良豁達有雅量家居出入未嘗乘馬人猝直之不覺其曾爲公卿顯宦者

劉顯青州人任舒城知縣興學校課農桑修水利去任舒人思慕爲立祠時論稱爲良吏之最

雷誠原名鑑字誠智鐔舍人永樂進士授行人奉使稱職九載秩滿知延平府巡行屬縣詢民疾苦豪猾斂跡民

豐城縣志

卷之十二

仕績

六

德之

胡軫字敬同厚郭人永樂進士歷兵部主事宣宗嗣位召對安民策第一授中書舍人禮部郎中史安薦陞四川重慶知府獄有無辜者三人迫於鍛鍊服上刑軫辨釋之以劾幕官貪墨被誣左遷兩浙鹽運司同知暇輒與諸生講論經史捐俸給膏火學士楊士奇薦陞浙江督學副使改山西整飭偏頭關軍務恩威相濟邊鄙以寧歸家卒孫涇

涇字源潔天順進士拜監察御史按南京執法持正捕宣城大猾汪深寘之法有道會匿良家婦夾室壁間已

踰年母家誣其夫毆死沉諸江妄指他尸實之已服罪
涇廉得出之列郡駭爲神復按雲南疏三四上減銀治
亡軀破產者歲課銀十有二萬陞雲南按察副使改陝
西副使守備漢中以疾乞歸疏未下卒

徐孔奇永樂進士授刑部主事改行在刑部陞嚴州知府
蔬食布衣無異寒素惟以興除爲急屬官中有不能者
教之不善者諭之使改未嘗輒加以罪吏民傾戴若赤
子之於慈母入覲卒於邸

熊觀字用學馬湖人由貢入監永樂初教習六館授刑科
給事中陞屯田司郎中值營建北京以勞擢常州知府

江陰有田塌於江賦猶在民奏蠲之轉鳳陽知府歲饑
親勸出粟賑濟正統間薦陞山西叅政善撫循逋者復
業所至郡邑旌廉能懲貪墨風采凜然明史登之循吏
修馬湖志考正詳核時有以世譜私刻求載者力謝却
人服其公

夏希純名寧以字行邑鄆人永樂進士授南京刑部主事
慎於鞫獄陞本部郎中薦陞陝西右叅政振紀綱恤民
隱調度邊儲斷復民田悉井然有條理累疏致仕歸以
孝行稱母喪廬墓黃金城

聶用又名康民以字行篠塘人永樂進士宣德時授南京

廣西道御史巡按南畿諸郡所至糾官僚勸學校得憲臣體秩滿出任邵武同知正統丁卯典四川文衡稱得人從弟好謙

好謙名遜以字行永樂進士授工部主事陞郎中出知廣州府抑豪強除奸弊貴勢需索病民者卽挺身陳利害拒之郡稱仁懷太守新會寇聚官軍往捕多被殺好謙單車往撫賊聞曰此吾仁懷太守也俱投戈降無何賊首黃肖養建僞號署僞官聲勢大振攻圍廣城軍民皆缺食餓殍盈路鎮守藩臬不敢發官廩好謙曰擅發倉廩其罪小民饑生變禍不可測力發之全活甚衆賊

圍久外援且不至時都御史楊信登城諭賊賊曰必得吾仁懷太守出城面諭我等卽散去好謙奮欲往衆力止之旣而以憂憤致疾軍民祈禱竟不起一城慟哭如喪爰母賊平卽仰高祠祀之

熊昱字爾耆善坑人永樂進士任監察御史陞湖廣按察僉事清介有聲致仕起爲叅政不赴

李元凱名杰以字行篠塘人由進士知婺源邑故繁劇下車與民休息利病當因革者調停不避勞怨千戶所官某暴滋害奏除之會採木內臣貪虐凌有司元凱引義不屈遂去官歸從吳康齋談道終身窮約不懈婺人祀

之名宦

范衷字恭肅楂村人永樂進士除昌化知縣改壽昌闢荒田二千六百畝興水利三百四十有六區報最當遷民乞畱再任陞知汝州興利除害不遺餘力冢宰王直察舉天下廉吏數人衷爲第一性至孝廬及墓瓜生連理有白兔三馴繞墓側人謂孝感所致二子鏞鏜皆登進士

鏞字彥昇景泰進士除刑部主事進郎中擢廣西按察副使爲刑部十七年門無私謁居心最仁恕指揮鄧授坐失機當死憐其無後請於大司寇容其妻入侍果得

子在廣西十二年威惠爲蠻獠信服初都御史韓雍在鎮見鏞卽以潯梧鬱林賊爲言鏞毅然請行挾數人抵賊巢召賊長諭以禍福俾更相告諭賊感激相率歸服有流賊猝至親督官軍捕殺之軍聲大振又以輕舟入大藤峽降其衆未幾潯州鬱林賊復作都御史朱英檄鏞再赴潯賊聞鏞至驚且喜叩頭請罪又詣鬱林賊降與潯同由是邊境稍寧爲按察使賊復作朱奏請合師征勦檄鏞督師先赴靈山戰大捷復往鬱林鏞先驅詣賊衆千餘人請降都憲總戎繼至惡其反覆悉縛之鏞流涕請命不許竟斬之鏞念所殺者以我至則服服乃

見戮不幾於我殺之耶悒悒不樂一日書於案上曰吾盡吾職分所當爲不敢萌一毫富貴念疾作不起

徐正字必端邑鄆人永樂進士任刑部主事轉員外郎侍郎魏驥薦知懷慶府下車勞心撫字罷煩苛之政奉命總理又名為府修造文不踰制費不勞衆奏最陞廣東叅政
猺獞不順督勵將士勦平之上賜楮幣嘉獎天順中致仕

楊時習長安人永樂中由吏員擢大理左評事奏對稱旨上親擢本寺卿因忤時求外補除交趾按察使先是黎季犁來歸賜官京師羈縻之後求歸祭掃時習知季犁

爲交人所服恐歸致變連疏阻之不允及歸果叛時同官者連名署降狀時習獨不屈懷印歸朝白其事朝廷已籍其家矣後中書檢得時習前奏請兵十餘疏直之復其官

孫昌字曰蕃義井巷人宣德丙午解元署光山教諭檄修實錄典廣西文衡以刑部尙書楊寧薦陞河東運司教授建立學校造士爲多人稱孫夫子典四川應天文衡有藻鑒陞南京國子監助教

甘瑛字宗華邑鄆人宣德進士授禮部主事陞知漳州府下車興學校釋冤獄政教一新時徵求橫溢有司暴取

無厭又巡捕守備官兵肆爲民害瑛悉奏革海門山居民涉海爲盜陰令探其踪跡捕絕之再補廬州丁外艱會邵武寇亂奪情起知邵武悉心撫摩出入山澤冒瘴霧致疾乃乞歸與邑中致仕孫都憲曰良等十四人聯續耆英會賦詩飲酒各繪像爲圖成化改元進階亞中大夫年踰八十卒祀鄉賢及漳邵二府名宦

范再昌上郊人任光祿寺錄事禮部郎中宣德初史安應求賢任守令詔薦再昌召對安民策稱旨陞宜興知縣改龍陽所至著廉能譽卒於官孫兆祥

兆祥字廷和七歲作登堯山詩以奇童稱登宏治進士

選庶吉士授檢討應詔陳言大畧謂君后分主陰陽且引紀伯姬叔姬事以諷又謂團營官軍無益宜罷歸三大營通州倉糧宜并運入京倉上謂事涉宮闈非所宜言下錦衣衛獄贖杖還職出爲涇府長史上疏論計安民社三事時議招南土民兵備邊兆祥力言不教之民不宜驅之遠征遂寢在涇府抗論捐冗賦罷暴征王每嘉納之以不附中人復下錦衣衛獄謫戍永州尋放歸里

丁俊字秉存沙湖人宣德進士任監察御史巡撫福建以清約風庶僚食惟豆腐人謂之豆腐御史大中丞陳智

每舉以勵羣屬終以忤權貴謫河南推官卒同僚檢其篋故衣數襲而已弟倬姪璐

倬字秉章宣德中任當塗知縣有廉正名秩滿去任祖餞者贈句云一廉不著犀珠謗萬變難磨鐵石心

璐字元美天順進士授工部主事有權閹至同官咸屈膝璐不爲禮羊怒欲折辱之璐向闕大呼同宮挽之出詰旦自司空以下皆詣謝璐卒不往闔戟不敢犯嘗清匠淮揚甚嚴明風采凜凜成化間陞敍州知府松潘有警巡撫檄通判王衡調鏢手峒人于戎珙之間峒人圍衡欲加害璐單騎馳往衆見之皆投戈舉手加額曰我

公來吾輩當盡室行即日隨調者三千人百戶王甲等占慶符縣民田數百畝十餘年不輸糧且聚亡命負固璐以計擒治籍田歸民鄰郡張乙匿其兄遺貲兄子徑詣投牒璐秘之令獄中盜誣服所劫棊財物盡在乙所乙椎心誓曰是吾兄爲官時所得物何爲誣我璐乃出牒示俾以三分之二歸兄子諭之和好如初九載陞廣東左叅政便道過家卒

范謨字朝憲孝悌坊人宣德應天鄉舉授嘉魚訓導倣安定教法督士衡文具藻鑒監司薦文學最擢國子學錄景泰五年上臨雍說書稱旨賜銀幣緋衣一襲致仕卒

都憲孫曰良銘其墓子儼有隱德

聶如斌宣德末任嘉善典史才能超卓按察使軒輓輩交賢之事難辦者屬如斌皆舉嘗職水利令民多築隄防爲水旱備潛乘小舟察其勤惰勸懲之北鄉洿下田不償種如斌督民高其圩塹遂爲膏壤歲大水監司使者行縣檢災如斌從使者欲諱災如斌乃白投田間水深沒頂使者大愧民得免稅後邑人歲時祭之

孫儼字振望孫家渡人勵志聖學篤踐履登正統進士任南京刑部主事陞福建按察僉事俗尙淫祠曉以民神不可雜糅之理諸淫祠與釋老所私創雖工費千百計悉毀之權貴不能阻改知臨海縣民不敢招致異端家居二十年足不履官府

豐城縣志

卷之十二

仕績

十三

劉華甫字偉光艾岡人正統進士授南京吏科給事中抗章糾彈權貴反被誣下獄理司覈實得白出知蘇州府蘇池園利千緡絲樣爐底銀歲亦以千計舊例皆歸守臣華甫至悉革之奏免崑山瀕海田坍塌者糧三萬餘石稼將登蝗飛蔽天籲禱風悉捲蝗入大湖歲有秋尋復除曲靖軍民府政治明肅峒賊帖然夸酋例以羊牛金帛爲餽悉付有司爲修學貲羅雄州逋征五載不兩月告完疏請歸休

涂謙字恆讓化鵬巷人正統進士授監察御史疏言大臣
薦舉方面知府非便請如舊制聽吏部銓授上從之英
宗北狩議建儲及備禦所當務者數事已巳之變侍講
徐瑄請遷都金陵謙上疏力陳不可景帝攝國賜白金
御製書旌其忠陞山東副使奉敕理冤獄從寬原者千
餘人青州饑以廷臣所委白金糴米不足率屬勸諭富
室出粟民賴以濟東昌諸郡大饑分就食者居神廟與
老釋之廬飼之病給藥餌死瘞以隙地單車往來臨清
濟寧間招徠賑恤以勞疾卒弟觀

觀字恆夫天順進士授南吏部主事考功郎中考察允

協公論侍郎張綸別疏請黜十餘人憲宗命廷臣覆覈
卒從觀疏陞知衢州復知寧國政尚寬平民有天降涂
來解倒懸之謠建祠祀靖難死事陳迪時論嘉之致政
二十餘年以子貴進階亞中大夫長昇副使次日左布
政景知縣以才能稱

昇字卿儀成化進士授鹽城知縣復補蒲臺擢雲南道
御史巡按直隸彗星見天津屢上修弭疏河決張秋督
治工部侍郎陳政遽卒廷臣僉推劉大夏帝賜敕往昇
方按河南上治河四策首舉疏濬故道之要繼以扼塞
補築之方薦僉事張鼐以廣人材而請久任大夏裁決

諸務以收其成效帝用其言築塞工果成陞廣東海道副使廣故多奸宄昇嚴制以法有通番巨商號八仙者中官羽翼也悉擒械奏遣戍邊中官賄請不得行李招鐵詐稱進貢廉得其實寘諸法饒平賊據鳳凰山熾甚以計散其脅從而直搗巢擒魁盜蘇孟凱海道清肅會奉命採珠劉瑾私請不遂欲陷之昇遂致仕歸正德改元進階大中大夫三年瑾終以巡按河南時事矯詔罰米千石輸雲中傾產不足昇卓有才具剛介重於時所至祀名宦子楫

采明史河渠志增訂

楫字良翰少以及厄於逆瑾勤苦力學登嘉靖進士授

工部主事歷員外權荆南往者率以利墨楫秋毫不染振弊剔奸商人德之遷都水郎中督理河道以才著擢廣東按察副使會討交趾握兵海道以應事平拜欽賞嗣爲按臣構歸楫剛介不諧于俗窮約終其身

黃節字順中城南人少從臨川吳與弼學登正統進士除兵部主事敕往巡古北白羊二口時冬月寇薄城節令軍士以水灌城冰堅滑寇不得上潛去節率兵乘之遂遠遁乙亥湖湘苗寇亂南和伯方瑛兵部尙書石璞與平蠻將軍李震等率師征節叅軍事從順安西陽等峒襲殺賊數千盡刈苗稻以困賊復乘勝大破絞羅牛欄

等峒七十八寨獲賊首械送京師搜還被虜二百餘人
蓬峒等寨仍負固節言於震遣使招之賊爭持牛酒赴
營納款願供租賦班師陞員外郎再陞大僕寺少卿卒
官賜祭一壇

楊崇字尙賢賢能坊人天順鄉薦銓試第一授桂林府同
知清戎至陽朔顧縣治瞰江垣堞卑甚使人輦江中石
大者高其垣小者積垣下石取江益深未幾蠻寇至莫
能渡間有筏薄垣者以所積石擊之扶傷去師征大藤
峽都御史韓雍委造戰船百艘應期辦陞知柳州府改
知永州時征苗派運糧餉以永儕長衡大府數崇力陳

得減境內山田多旱親視渠堰築祁陽城善規畫民不
告勞先是徭役不均行三等九則法人稱平允上官推
其法於各郡永俗男女多以貧故婚失時榜令從宜嫁
娶不得論賄貧甚者官給布帛不越月婚配者九千有
奇崇早受學胡九韶得朱程之傳晚以子廉貴贈禮部
尙書廉有傳

毛瓊字漸明著棋巷人由鄉薦授鳳翔同知寶雞縣有渠
久湮復疏之人稱爲毛公渠改長沙嘗上封事言正婚
姻以崇風化廣儲蓄以備不虞興學校以廣賢才利舟
楫以疏河道公考察以警官員修水利以備旱災親辯

訟以息爭競嚴統束以弭盜賊體民隱以辦軍役旌隱逸以振士風十事皆切時務時攸縣多虎爲文告城隍不二日捕獲共六七餘虎遁去秩滿巡按以廉明文學奏畱陞四品俸視事未幾卒惟舊裝而已

李瓛字世望湖茫人景泰進士授監察御史巡按南畿陞貴州僉事尋轉四川劾湛總兵謀叛得實籍其家擢松潘兵備副使時徐謝二指揮有邊功爲當道所抑瓛奏錄之二人陽獻菓投金五百爲謝怒拒之曰薦賢爲國豈望報耶總兵堯叅被畚圍於疊溪瓛往援抵鎮平密令通事夜越山至疊與叅謀遂出畚不意夾攻之斬獲

甚衆圍得解瓛久於蜀蜀人習其威惠祀名宦

金字宣之瓛之姪正德進士授碭山知縣時流賊猖獗築重城防守後河溢藉爲保障民德之累陞兵部郎中武宗南巡與同官伏闕諫廷杖下獄濱死嘉靖初任台州知府力懲奸慝弛鹽禁蠲逋賦歲饑易穀鄰郡爲賑復捐俸作糜飼之引疾歸民攀留不釋祀碭山名宦督學徐少湖採輿論祀於郡庠

彥字邦直金之姪正德進士知歙縣革靡侈均徭役振興學校有諸生柳某鬻兒事母捐俸周之唐臯爲作寒士歡頌尋擢大僕丞陞少卿馬政修舉賜金幣後以忤

當路出知平樂府平樂隣猺獞歲苦用兵設方畧戢之郡俗喬野彥至民始知學撫按采異政十二事上聞擢閩都運使通商惠民所至有生祠去思碑

逢字邦吉瓚曾孫嘉靖進士授紹興推官擢兵科給事中大同叛卒據城逆命言者以用兵激變歸罪總督劉源清下獄逢上疏申救源清乃得免復疏減光祿糜費四十餘萬緡進戶科左給事中偕同官諫南巡逮繫謫永福典史起瑞安知縣歷德安知府爲政以正綱紀重教化爲先黷吏黠民持法不少假神躬清肅境內凜然祀名宦

遂字邦良逢之弟弱冠從歐陽德學登嘉靖五年進士授行人歷刑部郎中錦衣衛送盜十三人遂惟抵一人罪餘皆辨釋東宮建赦天下遂請尙書聶賢都御史王廷相列大禮大獄諸臣赦令中事上不允俄調禮部忤尙書夏言下詔獄謫湖州同知三遷衢州知府擢蘇松兵備副使屢遷廣東按察使釋囚八百餘人進山東右布政使江洋多盜遂遷右僉都御史提督操江軍政嚴明盜不敢發俺答犯京師召遂督蘇州軍餉未謝恩請關防符驗用新銜帝怒削其籍三十六年倭擾江北命遂以故官撫鳳陽四府時淮揚三被倭患歲復大水且

日役民輓大木輸京師遂請餉增兵恤民節用次第畫戰守計三十八年倭數百艘寇海門遂語諸將曰賊趨如臯其衆必合合則侵犯之路有三由泰州逼天長鳳泗陵寢驚矣由黃橋逼瓜儀以搖南都運道梗矣若從富安沿海東至廟灣則絕地也乃命副使劉景韶遊擊邱陞扼如臯而身馳泰州當其衝時賊勢甚盛副將鄧城禦之敗績指揮張谷死焉賊知如臯有備將犯泰州遂急檄景韶陞遏賊連戰丁堰海安通州皆捷賊沿海東掠遂喜曰賊無能爲矣令景韶陞尾之而致賊于廟灣復慮賊突淮安乃夜半馳入城賊尋至遂督叅將曹

克新等禦之姚家蕩通政唐順之副總兵劉顯來援賊大敗走以餘衆保廟灣景韶亦敗賊印莊追奔至新河口焚斬甚衆廟灣賊據險不出攻之月餘不克遂令景韶塞塹夷木壓壘陳火焚其舟賊乘夜雨潛遁官軍據其巢追奔至鰕子港江北倭悉平帝大喜璽書獎勵賊駐崇明三沙者將犯揚州景韶戰連勝圍之劉莊會劉顯來援遂檄諸軍盡屬顯攻破其巢追奔白駒場賊盡殄時遂已遷南京兵部侍郎論功子一子官賚銀幣御史陳志勘上遂平倭功前後二十餘戰斬獲三千八百有奇再子一子世千戶增俸二級蒞南京甫數月振武

營軍變振武營者尙書張鏊募健鐵以禦倭素驕悍舊制南軍有妻者月糧米一石無者減其四春秋二仲月米石折銀五錢馬坤掌南戶部奏減折色之一督儲侍郎黃懋官又奏革募補者妻糧諸軍大怨代坤者蔡克廉方病諸軍以歲饑求復折色故額于懋官懋官不可給餉又踰期三十九年二月都肆曰振武卒鼓譟懋官署懋官急召鏊及守備太監何綬魏國公徐鵬舉臨淮侯李庭竹比及遂至諸軍已甲而入予之銀爭攫之懋官見勢洶洶越垣投吏舍亂卒隨及鵬舉鏊慰解不聽竟戕懋官裸其尸于市綬鵬舉遣吏持黃紙許給賞萬金卒輒碎之至許犒十萬金乃稍定明日諸大臣集守備廳亂卒亦集遂大言曰黃侍郎自越墻死諸軍特不當殘辱之吾據實奏朝廷不以叛相誣也因麾衆退許復妻糧及故額人畀之一金補折價始散遂乃托病閉閣給免死券以慰安之而密諭營將掩捕首惡二十五人繫獄詔追褫懋官及克廉職罷綬庭竹鏊任鵬舉如故遂以功議擢止誅叛卒三人餘戍邊衛而三人已前死遂歎曰兵自此益矣矣未幾召拜兵部左侍郎以言官薦擢南京叅贊尙書越四年以老致仕歸卒贈太子太保諡襄敏

橡字孟栗號思訥璫元孫嘉靖進士授烏程知縣決獄
弭寇以勤勞著名值水荒民變悉心區畫約二十四條
著爲令薦治行第一補兵部武選司主事陞車駕司郎
中議馬政勘合得失尙書楊嘉其才擢知嘉興府至講
求水利修圩岸禁火葬水阡均里甲賦役先是案牘滯
積狴戶多繫囚橡審其無辜者釋之罪當者寘之法權
貴請托不行郡當衝驛傳不給立畫一法寘船隻省財
以萬計他郡悉倣行之興學校培養士氣一時名士多
出其門登顯科者倍他郡萬曆三年夏海塘圯近海居
民溺死者千餘橡買棺收瘞又便宜賑恤流徙鹽民于

海上建生祠祀之會議晉陟以持法忤當道量移蒼梧
行軍司馬駐其地供應煩橡政先節省事無掣肘創學
舍撫流民却餽遺士民感頌如嘉興尋致政歸

栻字孟敬號石龍遂伯子嘉靖進士初知魏縣魏健鬪
信鬼至則嚴保甲飭鄉約酌定祀條要律俾民誦習令
民無賽會以所釀緡錢易粟爲社他規其息逾年鄉社
困藏至八千五百有奇去任民肖像以祀起補肥鄉審
編徭正飛詭塞邯鄲鄢米二口濬漳河故道灌田數萬
縣民作生主合祀李文靖祠擢河南御史歷巡光祿大
倉漕河疏陳利弊均裨軍國大計神宗初上一政令定

治體二疏當路頗憚之時張江陵秉政請命按楚欲以子弟屬棊覘江陵意以微詞拒因有隙先是武岡王顯槐謀奪楚府事聞下撫按勘奏顯槐先裂其籍之半歸政府頃之果密札相屬棊益正色直指王罪狀按如律自是江陵憾棊益甚會按順天適梁城巨猾陳寬倚巨璫馮保爲奸法應死貴人私以馮保故言之棊棊竟不貸時宰巨璫共啣之出補浙江副使疏請致仕結廬西山究心性理學書忠信篤敬於紳銘無自欺不妄語於座所著有困學纂言惜陰稿論語外編嘗與張洪陽鄧定宇同講學卒合祀逍遙淨廬又祀郡邑鄉賢

游明字大昇苦竹人景泰進士除刑部主事時草場火責在典守中官中官反誣近場居衛卒縱火逮錦衣衛鍛鍊成獄明察其冤白大司寇卒得不死中官監收軍儲虛出通關賣糧歲不下千石倉使欲發其事中官賂以金吏持金訴於官戶部以中官故反誣吏知情明爲雪其事天順末陞福建督學僉事首崇德行禁黜浮華射禮久廢考儀禮舉行之創建書院修葺楊龜山羅豫章李延平諸先生祠取其子孫補各庠生都御史滕昭奏畱加副使仍督學未幾疾卒無以爲殮諸生相率致賻繪像並祀常袞祠私諡貞介先生

李裕字咨德別號古澹南湖人景泰進士授御史時都御史寇深方有寵待吏甚嚴裕不爲屈巡按陝西上安邊八事石亨及子勢傾中外以僞報邊功移覆焚其求庇書竟按劾之天順癸未陞山東按察使諸死獄久不決者數百旬月間鞫殆盡青州山砦盜嘯聚悉縱釋脇從免其逋負罪止渠魁事遂平成化庚寅陞陝西布政司月餘召入爲順天府尹請寬征需革和買禁田土投獻罷官校供應皆從之給引不入錢每引止輸楮鈔各二張自是著爲令癸巳陞右副都御史總督漕運兼巡撫廬鳳諸郡政綱利弊罷行殆盡戊戌以及喪去任壬寅

服闋詣京畱理院事癸卯進右都御史振肅風紀臺中凜然御史有過或遭箠撻憲宗廉知其實欲大用之旣而以他事南調時方罷吏部尹某裕考績至京會九卿推耿裕上曰何不推李都御史乃拜耿吏部陞裕工部尙書未幾耿南調竟用裕代之乃益奮勵以副上意先是注選本榜定於一日故多錯誤裕先二日置皇天鑒之牌列拜自誓公同選注謂之圓缺用是選累數千無錯且稱得人朝覲考察矢公秉明黜陟一無所枉舊例黜幽惟貪酷罷軟不謹老疾裕乃增立才力不及一條責其後效成就人才爲多孝宗立優禮殊等引年乞休

上勉留之四疏始得允詔馳驛歸裕修形偉貌識度宏遠有大臣風性剛而才敏所在以廉介稱進階一品壽八十八遺言勿乞祭葬擾鄉里著有書集十一部行世伯子槩字克節以任子領鄉薦授內臺司務嘗應詔上畏天命重名器慎刑賞練軍實節財用五疏切中時弊都御史薦陞刑部員外逆瑾煽虐諸司多承旨槩毅然多所平反遷南京刑部郎中江口市民倚內戚逼取客貨槩詰問如律商賈稱便出知思州時土兵以征調擾民槩與約法凡擅入民舍者許把隘軍斬首申報復以黃紙爲旗布山上望之如大軍列陣軍行肅然歲薦饑

多方賑恤民病疫戶給以藥全活甚衆疏乞終養歸足不履公府壽九十二進階亞中大夫著有

真愚存稿逸叟後稿

漢字克昭裕之姪成化進士選翰林院庶吉士除刑科給事中轉工科都給事中性沉默寬裕持重知大體常奉使寧藩贖金一無所受周藩與巡撫大臣交惡奉詔往訊奏云待宗室當以恩處大臣當以禮周藩得無事巡撫移他處遂兩釋處分畿內籍地戚里大閹俱斂手割正無敢有私干者初爲庶常冢宰裕方邸長安西漢儻居必極東朝暮里巷如寒微不以家聲自耀未大用而卒常與羅玘友善其墓誌有曰使夫人無死吾見敝

車羸馬以朝者吾見慟哭裂麻以諍者玘蓋極爲許可
云著有方塘文集

貴字廷良號浣所裕元孫書過目成誦鄒守益講學白
湖寺從之遊遂悟性命奧旨嘉靖壬子鄉舉第一癸丑
成進士選庶吉士尋授編修丙辰奉命冊封衡藩明年
丁內艱服闋補原官時海瑞以戶部主事言事切直觸
帝怒貴慨然曰補過黽愆非獨臺省職古起居注左右
言動皆得匡救寧簪筆螭頭備故事已耶卽上疏論救
兩克會試同考門下士多爲名臣貴素有聲史局特命
董內書堂教集古闔寺可法者名思齊錄令誦法居詞

館十九年以守正爲當路所忌出爲四川副使疏乞歸
養家居著書講學四方士翕然從之嘗讀參前倚衡句
躍然悟曰鄒東廓先生作良知說正與此合遂作警學
說進知偈又作惕惕考自稽所學著有易經周禮左傳
劄記史記詩文序論文量議鍾律圖車陣圖并博採周
濂溪程明道張橫渠朱晦庵陸象山政績編集傳世嘉
靖癸亥知縣王徽猷延修邑志名豐乘

毛倫字天敍大屋人景泰進士授監察御史居言路九載
有直聲天順時倭寇荆襄嶺南奉敕督兵討平之後以
劾權貴出知福州府尋陞按察使丁父憂歸卒

族子松齡字喬年居邑孝悌坊成化進士授刑部主事
累陞知平陽府再補成都兵部尚書余子俊保任大同
副使管轄三關修邊牆奏陞湖廣按察副使撫治荆襄
鄖陽流民整飭兵備勤勞著績以母憂歸卒年四十九
未竟所用祀湖廣名宦

選舉志剛勁數語不得實因節去更採其本傳仕績大畧補附

此

李述字繼之清溪人景泰進士除工部屯田主事奉敕董
匠山東發奸摘伏匠無敢欺隱以明幹改刑部廣東司
主事飭往修廣東通志後陞貴州按察僉事同寅有爲
張武事者極言諍曰爲人臣不能致君澤民虛冒廩祿

豐城縣志

卷之十一

仕績

二十六

且不可况私於民乎御史戴以少年按貴州偏裁曲斷
述以正言規不合因激怒各具本交劾按實述無可坐
而戴卒謫去旋告歸以布衣疏食終其身

據杜銘本傳補

熊懷字性安北頭巷人天順進士授刑部主事擢廣平知
府搏豪強興水利歲饑殍載道捐俸發賑全活甚衆丁
外艱士民生祠祀之服闋改知河南衛輝府陞廣東
叅政時瀧水猺獍猖獗大軍征勦懷給饋餉振威聲捷
聞賜綵帛三水猺獍復孽僚屬執寘獄懷辯釋數十人
進左布政冢宰王恕屢薦爲巡撫都御史皆不用恕詢
其故當軸者曰某素不識熊懷何如以懷清謹自守未

嘗通書當道故久之始擢光祿卿累遷南京刑部侍郎以老乞休卒懷嚴重謹禮節言論侃侃持大體所至以稱職聞

黃琥字瑩之荷塘里人天順鄉薦授臨洮府同知嘗督賦平涼以所得羨餘貸民逋岷州用師督餉數萬區畫悉當洮民歲苦河決作浮橋濟民民廟祀之先是叅將王杲納賄所司莫敢發琥受御史檄竟覈其實陞知肇慶府隍舊有魚利緡錢三百供守土中貴隍實無魚錢則歲辦於民琥至罷之積粟萬餘石以備荒又築捍潮堤二百里歲免衝溢以功擢廣東叅政尋乞休進階嘉議

豐城縣志

卷之二十一 仕績

二十七

大夫子思

按琥學行甚篤與陳獻章善陳贈以詩見白沙集

思字益民由例貢判高郵掌馬政時豪強隱避厲貧民因條議馬歸於糧糧出於田貧富適均巡按李東疏其事著爲令嘉靖甲申江北饑思請當路出庫帑數千緡鬻米爲粥令民廉幹者分賑全活數萬人席書北上過淮聞狀言於朝荒政爲北河第一巡撫高友璣保陞浙江武義知縣益勵清儉釐正鹽鈔積病賊首徐榮剽掠境內方議用兵思密計擒獲不煩一鏃武俗故溺女嚴諭禁之宋儒呂祖謙祠墓久爲豪侵沒思清復舊址建廟置守冢戶尋忤當道歸以議論風節重於鄉

國華字良實號璞庵琥曾孫嘉靖己未進士授長垣知縣大河故在城南歲苦衝溢築捍隄百十餘里民始奠居大學生閻質冒領賊贓法干行止白所司釋之會郊舍暮持五百金爲壽國華曰我念汝枉若不以伯起視我乎復繫之累月乃釋去旁邑多蝗災獨不入長垣境考績擢刑部主事歷員外郎中甲子典順天試所拔多名流奉命恤錄河南渡河與書吏矢曰有馱法相狗者不復濟此汝寧王義重辟也聽書客誘走千金賂怒執誘者發有司遞還本籍事竣陞知淮安海潮三嘯民居漂溺無算國華查贓贖備賑移商稅買穀畱各衙門紙

罰濟河工借轉運餘銀淮徐二倉米克本折應付議那稅錢俵馬議徵折色巡撫趙孔昭難之適河道翁大立蒞淮國華繪饑民圖十二翁爲轉上廷議發帑銀五萬備賑復蠲稅若干調知龍安三家土官銜厠本府民頗厭其侵漁鄰站二夫藉名防守實折乾私家陳議禁革龍安半屬生番盤踞路要憲節格截叅戎密授羣帥方畧殲其魁始知畏命巡撫劉斯潔議遷府治駐綿州割青州十餘縣爲屬國華獨條其弊謂府有鐵龍明月諸關足扼番人窺伺之路松潘亦且恃爲內援若今日棄他日必爲全蜀害維州事可鑒也議乃格會入覲至京

以疾卒前一日猶議陳地方利病盡心民事如此祀龍安名宦

國用字良弼琥族孫曾祖暹舉經明行修國用領嘉靖鄉薦知惠安縣早禱雨隨車至再補東明清砦岩盜平河北差政以卓異擢御史按兩淮鹽政疏濟邊寬商恤竈弭盜安民五事報可復巡河河決房村請濬草灣以開河道疏徐呂二洪以上支溝以殺河勢果得成效巡京畿東廠闖芮景賢奏其遣牌送劉最謫判嘉定再知

欽州卒於官

叅明史桂萼傳

涂棐字伯輔曲江人蓐夕爰與雄夢有乘肩輿者繡豸紅

豐城縣志

卷之十一

仕績

二十九

袍入其門棐生腹鳩尾隆起如覆盆爰甚奇之天順間成進士授監察御史疏論外戚盈滿之漸巡按廣東平罷瘵黜貪墨錄死事者後時瓜哇國遣使入貢防海者疑爲盜欲邀功棐閱所齎金葉表文亟令官護送貢道經豐城番使取棐兒置座上羅拜曰非公吾輩二百人無全命也巡漕河至德州有內臣沿途爲害棐躡知其詐擒置於法河道清肅巡按福建時延平巨璫黃賜用事欲私其家三請不往見黃啣之又按泉州府李宗學貪酷狀牒送臬司有爲李地者陰縱之去摺撫無根事誣棐章上黃中主之逮棐與李廷辯竟以公道得白復

按閩奏請宋儒胡安國蔡沈真德秀封爵成化中上封
事極論宮中奢靡之弊皆人所不敢言疏上報聞未幾
陞廣東副使守備瓊州日與諸生講明經學海外衣冠
一新性嚴明不得於重臣會同知王不爲棐所禮代王
書名誣奏王不知也悉勘得誣重臣與黃復寢之亟遣
刑部馬郎中往訊馬承望風旨至卽挫辱百端棐素剛
負氣不食數日卒後王官臨江操文白白陳獻章過豐
步行拜其墓 叅明史羅倫傳

黃諒字一貞朋之裔徙大井天順鄉魁知清遠縣澤洽民
懷祀名宦歷射洪綦江俱有去思碑子巽辛卯鄉舉

傅實字粲輝大港口人天順進士任監察御史按長蘆鹽
課革宿弊巡按山東貴州陞廣東左叅議以練達老成
徵拔閱視軍功陞廣西右叅政表賀入京懇致仕實德
行純潔學問該博四方學者宗之謝政歸足不履城市